

歐陽修全集

中國書店

歐陽永叔著

歐陽修集

上

中國書局

据世界书局1936年版影印

欧阳修全集

中国书店出版

全国新华书店经销 河北省安新县印刷厂印刷

*

850×1168 1/32 印张：47.25

1986年6月第1版 1992年10月第3次印刷

印数：13 001 — 18 000

ISBN 7-80568-327-1/I·57

定价：22.00元

廬陵歐陽文忠公年譜

真宗景德四年丁未。

是歲。皇考鄭國公觀爲綿州軍事推官。六月二十一日寅時。公生。

大中祥符元年戊申。

大中祥符二年己酉。

大中祥符三年庚戌。

是歲。鄭公終於泰州軍事判官。公叔父曄時任隨州推官。因卜居焉。公母夫人鄭氏。年方二十九。攜公往依之。遂家于隨。貧無資。以荻畫地。教公書字。稍長。多誦古人篇章。使學爲詩。叔父後歷闕州推官。江陵府掌書記。仕至二千石。終都官員外郎。

大中祥符四年辛亥。

是歲。葬鄭公于吉州吉水縣隴岡。其後至和元年。折吉水縣之報恩鎮。置永豐縣。遂隸永豐。

大中祥符五年壬子。

大中祥符六年癸丑。

大中祥符七年甲寅。

大中祥符八年乙卯。

大中祥符九年丙辰。

公年十歲。在隨家益貧。借書抄誦。州南大姓李氏子好學。公多遊其家。於故書中得唐韓昌黎文六卷。乞以歸。讀而愛之。爲詩賦。下筆如成人。都官曰。奇童也。他日必有重名。

天禧元年丁巳。

天禧二年戊午。

天禧三年己未。

天禧四年庚申。

天禧五年辛酉。

乾興元年壬戌。

二月。仁宗卽位。

天聖元年癸亥。

是歲。公應舉隨州。試左氏失之誣論。其略云。石言于晉。神降于莘。內蛇鬪而外蛇傷。新鬼大而故鬼小。人已傳誦。坐賦逸官韻。黜。

天聖二年甲子。

天聖三年乙丑。

天聖四年丙寅。

公年二十。自隨州薦名禮部。

天聖五年丁卯。

是春。試禮部。不中。

天聖六年戊辰。

是歲。公攜文謁胥學士偃於漢陽。胥公大奇之。留置門下。冬。攜公泛江。如京師。

天聖七年己巳。

是春。公從胥公在京師。試國子監為第一。補廣文館生。秋。赴國學解試。又第一。

天聖八年庚午。

正月。試禮部。翰林學士晏公殊知貢舉。公復為第一。三月。御試崇政殿。公甲科第十四名。五月。授將仕郎。試祕

書省校書郎。充西京留守推官。【制詞】前鄉貢進士歐陽某。右可特授將仕郎。試祕書省校書郎。充西京留守推官。替仲簡來年二月滿闕。候見任官月限滿日。即得赴任。

敕前鄉貢進士邵景先等。咸以鄉舉。踐于貢闈。屬親校於藝文。俾各升於科級。特假讎書之秩。式增結綬之榮。郡縣佐僚。各分其任。宜思易勵。無曠乃官。可依前件。【知制誥陳從易行】

天聖九年辛未。

三月。公至西京。錢文僖公惟廣為留守。幕府多名士。與尹殊師魯梅堯臣聖俞尤善。日為古文歌詩。遂以文章

名冠天下。初。胥公許以女妻公。是歲。親迎于東武。

明道元年壬申。

是春及秋。兩遊嵩嶽。秋盡。從通判謝絳奉御香告廟也。禮畢。同遊五人。皆見峭壁大書神清之洞。詳見附錄後謝希深與梅

聖俞公又嘗行縣視旱蝗

明道二年癸酉

正月以吏事如京師。因省叔父于漢東。三月還洛。夫人胥氏卒。時生子未踰月。九月莊獻劉后。莊懿李后。祔葬定陵。公至鞏縣陪祭。十二月進階承奉郎。

景祐元年甲戌

三月西京秩滿歸襄城。五月如京師。會前留守王文康公。入樞府。薦召試學士院。閏六月乙酉授宣德郎。試大理評事兼監察御史。充鎮西軍節度掌書記。館閣校勘。〔制詞〕勅前西京留守推官承奉郎試秘書省校書郎歐陽某。辭擅菁英。性推醇茂。早登名於仕版。遂從辟於賓筵。而懋學逾博。參籌有裕。管吾樞近。嘗以薦論。逮課試之受來。固辯麗之可獎。宜預屬書之列。仍遷管記之資。往服清階。善持素履。可特授宣德郎。試大理評事。兼監察御史。充鎮南軍節度掌書記館閣校勘。〔李淑行〕三館秘閣所藏書多脫謬。七月甲辰。詔委官編定。做開元四部。著為總目。公預焉。是歲再娶諫議大夫楊公大雅女。

景祐二年乙亥

是歲七月。公同產妹之夫張龜正死于襄城。謁告視之。九月夫人楊氏卒。

景祐三年丙子

公年三十。是歲天章閣待制權知開封府。范仲淹言事忤宰相落職。知饒州。公切責司諫高若訥。若訥以其書聞。五月戊戌降為峽州夷陵縣令。〔制詞〕敕鎮南軍節度掌書記宣德郎試大理評事兼監察御史館閣校勘歐陽某。擢以藝文。擢參鑠校。固當宿業。以荷育材。近者范仲淹樹黨背公。鼓譟疑衆。自干典憲。爰示降懲。爾託附有私。詆欺罔畏。妄形書牘。移責諫臣。恣陳訕上之言。顯露朋黨之迹。致其奏述。備見狂邪。合宜嚴科。用警倫俗。尙軫包荒之念。祇從

貶秩之文。住字吾民。無重前海。可降授守峽州夷陵縣令。替公自京師。浴汴。絕淮。沂江。奉母夫人赴劉光裔。今年七月成資闕。散官如故。仍於謝辭。【柳植行】

景祐四年丁丑。

三月。謁告至許昌。娶薛簡肅公奎女。是夏。叔父都官卒。九月。還夷陵。十二月壬辰。移光化軍乾德縣令。【制詞】

郎守峽州夷陵縣令歐陽某。以懿辭決科。以敏智從事。符承俊選。參校祕文。偶弗慎於言階。迺自貽於官譴。遽沿遐躒。亦既逾年。宜還通邑之良。且寄字人之劇。余方甄錄。爾尙勉勤。可特授守光化軍乾德縣令。替張宗尹。來年三月成資闕。散官如故。仍於謝辭。【王堯臣行】

寶元元年戊寅。十一月改元。

三月。赴乾德。是歲。胥夫人所生子夭。

寶元二年己卯。

二月。知制誥謝希深絳出守鄧州。梅聖俞將宰襄城。與希深偕行。五月。公謁告往會。留旬日而還。六月甲申。復

舊官。權武成軍節度判官廳公事。【制詞】降授宣德郎守光化軍乾德縣令歐陽某。右可特授試大理評事。

節度推官趙咸寧。來年二月滿闕。散官如故。仍於謝辭。勅前降授崇信軍節度掌書記。監鄧州酒稅務朝奉郎。試大理評事。兼監察御史尹洙等。嚮者咸以優才。籍于文館。旋坐朋黨之累。自罹降謫之科。載軫施沉。特推甄敘。或朝闕復秩。分寄於縣章。或府幕公自乾德奉母夫人。待次於南

陽。冬。暫如襄城。

康定元年庚辰。二月改元。

是春赴滑州。時范文正公起爲陝西經略招討安撫使。辟公掌書記。辭不就。六月辛亥。召還。復充館閣校勘。仍

修崇文總目。十月。轉太子中允。【制詞】勅鎮南軍節度掌書記宣德郎試大理評事兼監察御史充館閣校勘亦厚矣。爾往參典校。屬以事譴。會從薦引。復敘官榮。方思杖試而庸。寧限陞遷之次。官坊美秩。冊府清塗。嘉乃雋才。尙勗來譽。可特授守太子中允。依舊館閣校勘。散官如故。【聶冠卿行】癸巳。同修禮書。是歲。子發生。

慶曆元年辛巳。

五月庚戌。權同知太常禮院。以見修崇文總目辭。許之。八月乙酉。許州對公事回。依舊供職。會孫建世編年。載此未詳。十一月丙寅。祀南郊。攝太常博士。引終獻。十二月。加騎都尉。【制詞】勅夫三靈之交。莫或乎太旅。四海以職。畢奉于嚴禋。還御端闈。均慶縣寓。矧待時髦

之地。素清儒館之游。宜被徽章。以甄英俊。宣德郎守太子中允充館閣校勘歐陽某。雅材毓秀。吉履致方。副妙簡於石渠。紉祕文於天祿。列于俊藪。光是珍羣。屬此推恩。遞增勳級。益厲夙秉。庸對寵嘉。可加騎都尉。餘如故。【吳育行】己丑。崇文總目成。政集賢校理。

慶曆二年壬午。

正月丁巳。考試別頭舉人。三月丙辰。御試進士。應天以實不以文賦。公擬進一首。賜勅書獎諭。四月丙子。復差同知禮院。契丹遣泛使求關南地。宰相呂夷簡薦富弼報聘。人皆危之。公上書引顏真卿使李希烈事。乞留弼。不報。五月。復應詔上書。極陳弊事。八月。請外。九月。通判滑州。十月至。

慶曆三年癸未。

是歲。仁宗廣言路。修政事。人多薦公宜爲臺諫。三月。召還。癸巳。轉太常丞。知諫院。【制詞】宣德郎守太子中允某。右可特授守太常丞。依舊充集賢校理。知諫院事。散官勳如故。勅。國家廣聞言路。崇設諫垣。攝方巖之蓋臣。登諍議之清列。責任尤重。眷懷亦深。向非練達民彝。精詳國體。利權不能易所守。貴勢無以搖其心。則安可劭厥清芬。補予闕政。以爾朝奉。郎侍御史判三司都理次司輕車都尉賜緋魚袋魚周詢等。風猷鯁亮。器範冲深。並繇博古之文。皆擢烝髦之選。清心莅局。交負幹

才。論事飛章。第揚風采。會詢朝論。亟簡股心。宜進官聯。往參諫列。爾其勤乃節行。厲于忠誠。姑務器諤諤之辭。敷陳而亡撓。豈宜持庸庸之計。畏避以自安。勉膺寵光。式遵明效。可依前件。〔孫〕四月。至京。九月戊辰。賜緋衣銀魚。己巳。同詳定國朝勳臣各次。丙戌。同修三朝典故。十月戊申。擢同修起居注。十二月己亥。召試知制誥。公辭。辛丑。有旨不試。直以右正言知制誥。仍供諫職。〔制詞〕勅。夫出納令風采。布爲法度。所以炳煥皇業。羽儀近著。匪我俊乂。曷膺是選。宣德郎守太常丞充集賢校理同修起居注知諫院事騎都尉賜緋衣銀魚歐陽某。高才敏識。照於當世。特立不倚。拔乎其倫。秉心粹中。履道夷坦。學探系象之表。文窮述作之源。而自抱藁書林。箚筆螭陛。詞皆體達。慮不及私。俾之代言。必能復古。用進七人之列。遂參四祭之嚴。豈惟序陞。斷自余志。其於發揮藻潤之業。坦明深厚之體。皆仗素蘊。不煩訓詞。可特授右正言知制誥。丁未。同詳定編勅。是月立春。祭西太一宮。爲獻官。尋例賜紫章服。

慶曆四年甲申。

三月庚午。兼判登聞檢院。四月乙未。押伴契丹賀生辰。人使御筵於都亭驛。己亥。命公使河東。計度廢麟州。及盜鑄鐵錢并鑿課虧額利害。七月。還京師。八月甲午。保州軍叛。契丹聲言討西夏。癸卯。除公龍圖閣直學士。河北都轉運按察使。〔制詞〕宣德郎行右正言知制誥騎都尉賜紫金魚袋歐陽某。右可特授依前行右正言農使。替張昱之。散官勳賜如故。勅。朝奉郎守尚書禮部郎中知制誥知兗州輕車都尉賜紫金魚袋梁適等。四方有事。才者當爲國家馳驚矣。自夏人之不賓于廷。而王師外戍。天下共其勞。夫侍從近列。得無同我此憂者歟。爾等並以才名器略爲時英俊。凡予所以擢爾清切之禁。延閣憲臺。備艱虞以爲用也。三城西路之津會。中山北道之吭喉。河朔委輸。事任尤重。靈昌河上至于平陽。皆方面之要害。朝廷所屬意處也。各遷近職。于蕃于宣。王室之勤。以慰予望。可依前件。〔張方平行〕九月。三朝典故成書。以公嘗預編纂。賜詔獎諭。十一月。南郊恩。進階朝散大夫。封信都縣開國子。食邑五百戶。〔制詞〕勅。三年而郊。所以答天地。尊祖考。

微殖。則吾左右近著。宜乎首被凱澤者矣。以爾河北都轉運按察使龍圖閣直學士宣德郎行右正言騎都尉賜紫金魚袋歐陽某。學有師法。言無畏避。輟辭輸於西掖。董賦輿於北道。而能計國用。

辭邊謀。趙吏姦。舒民困。才識參用。樞紳所推。今嚴種成。百禮具。有司其申講舊典。導宣明命。峻之階品。增之封邑。以均種社。以對勤蓋。以永朝家之休。可特授朝散大夫。依前行右正言。充龍圖閣直學士。河北都轉運按察使。特封信都縣開國子。食邑五百戶。勳賜如故。仍放朝謝。【孫抃行】

慶曆五年乙酉。

是春。真定帥田況移秦州。公權府事者三月。時二府杜正獻。范文正韓忠獻。富文忠公。以黨論相繼去。公上書辨之。小人素已憾公。會公孤甥張氏犯法。諫官錢明逸。因以財產事及公。下開封鞠治。府尹楊日嚴觀望。傳會上命戶部判官蘇安世。入內供奉官王昭明。監勘得無他。八月甲戌。猶落龍圖閣直學士。罷都轉運按察使。降知制誥。知滁州。【制詞】勅。夫賞不遺功。罰不阿近。有邦之彝典也。河北都轉運按察使龍圖閣直學士朝散大夫行右正言騎都尉信都縣開國子食邑五百戶賜紫金魚袋歐陽某。博學通鑒。衆所見稱。言事感激。朕嘗寵用。而乃不能做慎以遠罪辜。知出非己族。而請於私門。知女有室歸。而納之羣從。嚮以訟起。晟家之獄。語連張氏之貲。券既弗明。辨無所證。朕以其久參近侍。免致深文。止除延閣之名。還序右垣之次。仍歸糟節。往布郡條。體予寬恩。思釋前吝。可落龍圖閣直學士。特授依前行右正言知制誥。散官勳封賜如故。仍就差知滁州軍州。兼管內勸農使。替趙良規。仍放謝。十月甲戌。至郡。是歲。子奕生。【楊察行】

慶曆六年丙戌。

公年四十。自號醉翁。

慶曆七年丁亥。

十二月。以南郊恩。加上騎都尉。進封開國伯。加食邑三百戶。【制詞】勅。朕禮天事神。以祈生民之佑。尊親考。以席鴻基之隆。爰罄齋明。仰膺顯讓。乃眷近侍。宜均恩典。朝散大夫行右正言知制誥騎都尉信都縣開國子食邑五百戶賜紫金魚袋歐陽某。詞藻敏麗。風韻俊豪。參列諫垣。蔚有敢言之節。褒陞詞禁。茂昭華國之文。委任素煩。安靜攸處。屬修大祀。俾洽蕃休。特疏勳賢之儀。並厚邑封之數。中外之寄。待遇無殊。深體東求。勉敦業履。可特授依前行右正言知制誥。加上騎都尉。進封開國伯。食邑三百戶。散官勳如故。

仍放朝謝。是歲。子栻生。

慶曆八年戊子。

閏正月乙卯。轉起居舍人。依舊知制誥。徙知揚州。【制詞】勅。勤求治道。優延近著。專性詞禁之彥。久布外
誥。知滁州上騎都尉信都縣開國伯食邑八百戶賜紫金魚袋歐陽某。智慮純通。文藻敏麗。善談當世
之務。旋登近侍之班。向直內閣之嚴。實分北道之寄。爰司方郡。屢易周星。軫予意而良深。
俾官儀而敘進。記言動者。良史之筆。授之以清階。督淮海者。廣陵之區。委之以會府。仍司雅
誥。尙遠瀟垣。當欽待遇之榮。益務端莊之節。遲聞美績。用對寵靈。可特授行起居舍人知制誥
知揚州軍州事兼管內堤堰橋道勸農使。替張奎。散官勳封賜如故。仍放謝辭。【嵇穎行】二月庚寅。至郡。

皇祐元年己丑。

正月丙午。移知潁州。二月丙子。至郡。樂西湖之勝。將卜居焉。四月丙戌。轉禮部郎中。【制詞】勅。羣臣有常以
吾不忘也。事任有期。既未得即還左右。且進升其官秩。亦足表待遇之意焉。朝散大夫行起居舍
人知制誥知潁州上騎都尉信都縣開國伯食邑八百戶賜紫金魚袋歐陽某。頃用文詞登朝。居諫諍之
任。屢以審諤之言陳闕失。朝奉郎尙書工部員外郎直龍圖閣知亳州上騎都尉賜紫金魚袋王洙。往
由經筵入侍。備顧問之職。嘗以博洽之學裨見聞。間緣薄疵。並領外寄。嚴助守藩。久去承明之
直。望之懷關。應有本朝之思。吾嘉才猷。實用矜爾。爰各遷於品秩。俾仍碩於教條。行將召生。
無日留滯。詩曰。心乎愛矣。遐不謂矣。其務敬慎。體茲聽懷。修可特授尙書禮部郎中。依前知
制誥知潁州。散官勳封賜如故。仍放朝謝。洙可特授尙書刑部員外郎。依前直龍圖閣知許州軍州
兼管內堤堰橋道勸農事。及管勾開治溝洫河道事。替宋祁。散官勳賜如故。仍放謝辭。【李洵行】
八月辛未。復龍圖閣直學士。【制詞】勅。思文先朝。游心往籍。因層構之寔。設近職之華。所以寵名
儒。訪治道。我圖俊舊之望。時性鏗亮之姿。差進榮聯。胥協公議。翰
林侍讀學士朝散大夫右諫議大夫知揚州上騎都尉岐山縣開國子食邑五百戶賜紫金魚袋楊察。精明博
洽。端粹正方。擢在禁林。復典議而歸厚。寔之憲席。處論議而不阿。朝散大夫尙書禮部郎中知制
誥知潁州上騎都尉信都縣開國伯食邑八百戶賜紫金魚袋歐陽某。識遠才長。文高行潔。篤於信道。
不諱非聖之書。忠於本朝。屢條當世之務。並膺左右之選。歷宣內外之勞。峻節弗渝。公議彌勝。
用進祕圖之拜。且光舊物之還。旌乃名臣。數于茂典。爾身右外。股心弗忘。嘉許來忠。勿爲前
事。察可特授依前右諫議大夫。充翰林侍讀學士。兼龍圖閣學士。依舊知揚州。散官勳封賜如故。

仍放朝謝。脩可特授依前尚書禮部郎中。充龍圖閣直學士。是歲。子辯生。
依舊知潁州。散官勳封賜如故。仍放朝謝。【胡宿行】

皇祐二年庚寅。

七月丙戌。改知應天府。兼南京留守司事。己酉。至府。十月己未。明堂覃恩。轉吏部郎中。加輕車都尉。【制詞】
王者尊其考。欲以配天。緣考之意。故推而上於祖。朕奉若斯義。乃以季秋之選。舉種于大慶。

禮備法物。樂和八音。三后上帝。亦既顧饗。六服羣辟。罔不蒙氣。眷言祕近之列。方殿股肱之
郡。天地之福。其可不均。以爾樞密直學士朝散大夫右諫議大夫上騎都尉京兆郡開國侯食邑一千
戶賜紫金魚袋田況。懷誠秉彝。博見彊志。以爾龍圖閣直學士朝散大夫尚書禮部郎中上騎都尉信都
縣開國伯食邑八百戶賜紫金魚袋歐陽某。議論據古。志正無私。並為當世之宗。精究百家之術。
施之政事。罔干譽而從欲。立於朝廷。不阿尊而事貴。風動全蜀。獨流京師。古者因裕以發爵祿。
所以尊廟而貴命。况合宮之事哉。左省瑣闥之嚴。中臺宰屬之重。懋爾述職。推吾新恩。往哉生
生。承此褒愛。况可特授給事中。依前充樞密直學士。加輕車都尉。散官封賜如故。仍放朝謝。修
可特授尚書吏部郎中。依前充龍圖閣直學士。加
輕車都尉。散官封賜如故。仍放朝謝。【呂泰行】是歲。約梅聖俞買田於潁。

皇祐三年辛卯。

皇祐四年壬辰。

三月壬戌。丁母夫人憂。歸潁州。四月。起復舊官。公固辭。八月。許之。

皇祐五年癸巳。

八月。自潁州護母喪歸。葬吉州之隴岡。胥陽二夫人祔焉。是冬。復至潁。

至和元年甲午。三月改元。

五月。服闋。除舊官職。赴闕。【制詞】勅。人臣之大節。曰忠與孝。然處之者或適不及。故先王設禮以為

闕直學士朝散大夫尚書吏部郎中輕車都尉信都縣開國伯食邑八百戶賜紫金魚袋歐陽某。以文章直
亮。擢居近侍。以才略器幹。屢更劇任。自罹家難。歸伏闕里。今祥禫甫畢。賁然斯來。文昌席

曹。儒圖祕職。皆爾舊秩。往服新命。唯是移孝資忠之義。爾其懋哉。六月癸巳。朝京師。乞郡。不許。可特授尙書吏部郎中。充龍圖閣直學士。散官勳封賜如故。【蔡襄行】

七月甲戌。權判流內銓。會小人詐爲公奏請汰內侍。其徒怨怒。以胡宗堯不當改官事中公。戊子。出知同州。判

吏部南曹吳充。爲公辨明。不報。知諫院范鎮一再極言。而參知政事劉沆方提舉修唐書。亦乞留公修書。八月

丙午。沆拜相。戊申。詔公修唐書。九月辛酉。遷翰林學士。【制詞】勅。帝王之制。坦然明白。發號出令。一

徹大夫尙書吏部郎中輕車都尉信都縣開國伯食邑八百戶賜紫金魚袋歐陽某。以深詔某。言忠信。行篤恭。文參

典謨。心固金石。頃在諫列。以直誠盡規。彌縫交關。靈登禁省。以深詔某。言忠信。行篤恭。文參

垂。罷守列郡。免喪還次。即斬外補。朕嘉其難進易退。有賢者之節。又文學蒼老。宜居禁中。是

用延登玉堂。典司翰墨。僉謀四及。咸曰得人。當使炳焉之風。弗獨漢遷三代也。可特授依前尙

書吏部郎中知制誥。充翰林學士。散官勳封賜如故。【王洙行】王戊。兼史館修撰。【制詞】勅。古者左史記動。右史記言。得失形於

美者。不在吾儒雅之臣乎。翰林學士朝散大夫尙書吏部郎中知制誥刊修唐書輕車都尉信都縣開國

伯食邑八百戶賜紫金魚袋歐陽某。學擬道真。文得天粹。凜然風節。足爲世範。休有議論。實惟王

體。更中外之衆務。在夷險而一心。益知少賢。擢司內命。豈特屬文章以煩爾。蓋將咨謀慮以弼

予。復此兼榮。亦非貳事。夫一家之法。傳信於方來。萬世有辭。垂裕於不朽。尙賴良直。以永

休明。往服茂恩。委假多訓。可特授依前尙書吏部郎中知制誥。充

史館修撰。仍舊翰林學士。刊修唐書。散官勳封賜如故。【韓絳行】又差勾當三班院。十月乙巳。朝饗景

靈宮天興殿。攝侍中。捧盃取水。十二月庚戌。臘饗孝惠孝章淑德章懷皇后廟。攝太尉行事。至和二年乙未。

三月。同孫抃考試諸司寺監人吏。六月己丑。上書論宰相陳執中。已而乞外。改翰林侍讀學士集賢殿修撰。出知蔡州。侍御史趙抃知制誥劉敞上疏留公。七月戊午。復領舊職。八月辛丑。假右諫議大夫充賀契丹國母生辰使。將持送仁宗御容。會虜主殂。癸丑。改充賀登位國信使。十二月庚戌。宿虜界松山。嘉祐元年丙辰。九月改元。

公年五十。二月甲辰。使還。進北使語錄。閏三月丁亥。判太常寺兼禮儀事。孟夏薦饗。攝太尉。行事。五月癸未。知通進銀臺司兼門下封駁事。乙未。免勾當三班院。六月甲子。奉勅祈晴醴泉觀。八月壬戌。知益州張方平除三司使。甲子。詔公權發遣三司公事以俟其至。而命李淑代知銀臺司。乙亥。車駕詣景靈宮。朝拜天興殿。充贊導禮儀使。又朝謁真宗及章懿太后神御殿。攝太常卿。九月辛卯。大慶殿行恭謝禮。爲贊引太常卿。禮成。加上輕車都尉。進封樂安郡開國侯。加食邑五百戶。【制詞】勅。施厚而報豐。維人之常。誠至而禮簡。事天之於昭降康。四海萬靈。莫不底豫。念所以報。必竭其誠。酒即太廢之嚴。躬尙賈之享。飲翼虞共。陶甌以薦。合法大神示。格于祖考。明靈降臨。休應顯孚。膺受福釐。均自近始。翰林學士朝散大夫尙書吏部郎中知制誥充史館修撰判太常寺兼禮儀事輕車都尉信都縣開國伯食邑八百戶賜紫金魚袋歐陽某。文字復于古雅。正直邁于倫類。辨論堅確。救時爲心。在涅不淄。湜湜自信。倚其演潤。故置諸內署。藉其才識。故付之史筆。賴其謀用。故試之大計。沛有餘地。左右咸宜。熙其事思成。相儀克允。峻其勳等。增厥賦封。尙體予衷。以孚邦家于休。可特授依前尙書吏部郎中知制誥史館修撰。充翰林學士。加上輕車都尉。進封樂安郡開國侯食邑五百戶。散官勳賜如故。差遣依舊。【吳奎行】十二月。被差押伴契丹賀正旦人使御筵於都亭驛。

嘉祐二年丁酉。

正月癸未。權知禮部貢舉。賜御書文儒二字。乙巳。磨勘。轉右諫議大夫。【制詞】勅。禁密之重。朝廷所優。異等於疏品。表殊恩於顯臣。推意之明。在予則至。顯忠之報。惟汝爲深。授受之間。審美良盡。翰林學士朝散大夫尙書吏部郎中知制誥充史館修撰判太常寺兼禮儀事上輕車都尉樂安郡開國侯食邑一千三百戶賜紫金魚袋歐陽某。風誼醇篤。謀猷俊明。憂天下之心。物論許其想到。徇國家之急。朕志知其勇爲。矧夫統體之文。絳有雅健之氣。特立于世。能同於人。姑用歲勞。升爲諫長。未厭播紳之望。徒收翰墨之長。亦爲顯承。當益章大。可特授右諫議大夫。依前知三月癸卯。爲狄制誥史館修撰。充翰林學士。散官勳封賜如故。差遣依舊。仍放朝謝。【吳奎行】

齊發哀苑中。攝太常卿。六月丙寅。福康公主進封充國公主。七月壬午。命公攝禮部侍郎。以印授冊使。乙未。兼

判尙書禮部。九月己卯。兼判祕閣祕書省。十一月辛巳。權判史館。丙申。權知審刑院。候胡宿回依舊。辛丑免。十二月辛亥。權判三班院。癸亥。權奉安明德元德章穆三后御容於啓聖院。車駕行酌獻禮。充禮儀使。是月。被差押伴契丹賀正。且人使御筵於都亭驛。

嘉祐三年戊戌。

正月壬午。上幸輿國寺及啓聖院。朝謁太祖太宗神御殿。攝太常卿。二月癸卯。契丹遣使告其國母哀。差公館伴。三月辛未。兼侍讀學士。以員多。固辭不拜。癸未。充宗正寺同修玉牒官。甲午。同陳旭考試在京百司等人。六月庚戌。加龍圖閣學士。權知開封府。【制詞】勅。京邑翼翼。四方是則。商頌之明訓也。朕念夫神臬與法禁。迫蹙則已苛細。寬縱則有放紛。區。大衆所聚。俗有五方之異。更有百司之繁。貴近豪彜。輕犯照物。厚重足以鎮浮。先事以銷其萌芽。尹正之才。不止乎決事無留當官有守而已。維其明智足以事兼判尙書禮部兼判祕閣祕書省上輕車都尉樂安郡開國侯食邑一千三百戶賜紫金魚袋歐陽某。道德仁義。固其深蘊。文學政事。矧乃兼長。老於詞禁之中。未愜播紳之望。今詳試以煩劇。命允釐于浩穰。寵以延閣之拜。優以京輔之授。爾其念古訓而用乂。毋日時異。稽艱乎施設也。可特授依前右諫議大夫知制誥史館修撰充翰林學士兼龍圖閣學士權知開封府。【吳奎行】兼徽內勸農使。仍舊刊修唐書兼判祕閣祕書省。散官勳封賜如故。

嘉祐四年己亥。

二月戊辰。免開封。轉給事中。同提舉在京諸司庫務。【制詞】勅。漢制。給事中日上朝謁。平尙書奏事。士。不以付焉。以爾翰林學士兼龍圖閣學士朝散大夫右諫議大夫知制誥充史館修撰刊修唐書兼判祕閣祕書省上輕車都尉樂安郡開國侯食邑一千三百戶賜紫金魚袋歐陽某。性資純良。識用明果。直道自奮。至忠不回。向自禁林。尹正京邑。權抑權幸。崇獎善良。獄訟簡飾。幾至無事。方此眷賴。以圖靖嘉。而迺屢形奏封。求請便郡。朕惟亮正之益。不可使遠外。而煩劇之任。宜有以均勞。延登瑣闥。以備顧問。爾其砥服。體朕意焉。可特授給事中。依前知制誥史館修撰。充翰林學士兼龍圖閣學士。提舉在京諸司庫務。仍舊刊修唐書。兼判祕閣祕書省。散官勳封賜如故。

【范鎮】是月充御試進士詳定官。賜御書善經二字。四月丁卯。奏告今冬太廟親行禘饗之禮。癸酉孟夏。薦饗並攝太尉行事。丙子。兼充羣牧使。六月甲申。刪定景祐廣樂記。九月丁酉。奉勅祈晴相國寺。十月壬申。車駕朝饗景靈宮。癸酉。禘饗太廟。並攝侍中行事。丁丑。加護軍。食實封二百戶。【制詞】勅。王道之最盛者。莫如宗祚率舊禮。親執祀事。神人以和。祖考來格。此皆辟公脚士肅雍顯相之效也。福祿之流。朕安敢專。翰林學士兼龍圖閣學士朝散大夫給事中知制誥充史館修撰刊修唐書兼判祕閣祕書省兼充羣牧使上輕車都尉樂安郡開國侯食邑一千三百戶賜紫金魚袋歐陽某。清識敏議。措紳之表。辭文懿行。名世之選。此所以增朝廷之光。參瑚璉之器。詩不云乎。左右奉璋。髦士攸宜。夫熙事休成。惠澤廣被。則賢者宜先矣。敝升書勳之籍。真食加田之賦。於以均七廟之慶。慰萬夫之望。其庶幾乎。可特授依前給事中知制誥。史館修撰。充翰林學士。兼龍圖閣學士。加護軍。食實封二百戶。散官封賜差遣如故。【劉敞行】

嘉祐五年庚子。

四月丁卯孟夏。薦饗太廟。攝太尉行事。七月戊戌。上新修唐書二百五十卷。庚子。推賞。轉禮部侍郎。【制詞】古之為國者。法後王。為其近於己。制度文物可觀故也。唐有天下。且三百年。明君賢臣。相與經營扶持之。其盛德顯功。美政善謀。固已多矣。而史官非其人。記述失序。使興壞成敗之迹。晦而不章。朕甚恨之。故擇廷臣。筆削舊書。勸成一家。翰林學士兼龍圖閣學士朝散大夫給事中知制誥充史館修撰刊修唐書兼判祕閣祕書省兼充羣牧使護軍樂安郡開國侯食邑一千三百戶食實封二百戶賜紫金魚袋歐陽某。端明殿學士兼翰林侍讀學士龍圖閣學士朝請大夫守尚書吏部侍郎充集賢殿修撰知鄭州上柱國常山郡開國公食邑二千三百戶食實封六百戶賜紫金魚袋宋祁。創立統紀。裁成大體。朝散大夫尚書禮部郎中知制誥充集賢殿修撰觀察在京刑獄兼權判尚書工部充宗正寺修玉牒官騎都尉高平縣開國男食邑三百戶賜紫金魚袋范鎮。朝奉郎守尚書刑部郎中知制誥同勾當三班院上輕車都尉賜紫金魚袋王疇。三司度支判官朝奉郎太常博士充集賢校理編修唐書官上騎都尉賜緋魚袋宋敏求。網羅遺逸。夙協異同。凡十有七年。大典乃立。闕富精覈。度越諸子矣。皆讎有功。朕將據古鑒今。以立時治。為朕得法。其勞不可忘也。皆選秩一等。布其書天下。使學者咸親焉。修可特授守尚書禮部侍郎。依前知制誥史館修撰。充翰林學士散官差遣。勳封食實封賜如故。祁可特授守尚書左丞。依前集賢殿修撰。充端明殿學士兼翰林侍讀學士龍圖閣學士散官差遣。勳封食實封賜如故。仍放朝謝。鎮可特授尚書吏部郎中。依前知制誥。充集賢殿修撰。散官差遣。勳封賜